



Jørgen Rosbach, Demokraatit
/Maani

§ 37 naapertorlugu apeqquaqqaammur nr. 200_2025-imut 2026-mi nannuttassat pillugit akissuteqaat

Inatsisartut suleriaasissaanni § 37-mi imm. 1 naapertorlugu *Tunumi nungukkiartuutaanngitsumik nannunniarneq* pillugu ulloq 21. november 2025 apeqqutini Naalakkersuisunut nassiusaqaarsimavutit:

Apeqqutitit uanga suliaasaqarfigisannut akisassanngortinneqaarsimapput.

Pinngortitaleriffiup *Tunumi* nannunik misissuineraniit nalunaarusiaq, qanittumi saqqummiussaq innersuutigaat.

1. *Ilisimasallit naliliinerat nutaaq tunngavigalugu sunik Naalakkersuisut eqqarsaatersuuteqarpat, inernilerneqaarsimammat, Tunumi nannunniarneq piujuartitsiniartumik ingerlanneqartoq?*

- a) *Naliliineq taanna tunngavigalugu Naalakkersuisut pilersaaruteqarnerpat Tunumi nannuttassiissutit annertusinissaannik?*
- i. *Allannguuteqartoqassappat qaqugu atuutilernissaa naatsorsuutigineqarnerpa?"*

1-mut akissuteqaat:

Naalakkersuisut 2026-imi nannuttassat pillugit 18. november-ip tungaanut tusarniaasimapput, tusarniaanerlu Pinngortitaleriffiup (GN) misissuinermini paasisai maajimi 2025-imi saqqummiunneqartumi tunngaveqaarsimavoq, tassani Pinngortitaleriffik nannut nungukkiartuutaanngitsumik piniarsinnaanerit pillugu inassuteqaateqaarsimalluni. Nanoqatigiit amerlassusaat pillugu timmisartunik kisitsinermi inerniliussat inassuteqaammik saqqummiunneqarput aammalu *Tunumi* nannut pisat kingunerisinnaasaannik naliliineq pillugu saqqummiisoqarluni.

Ataani tabelimi takuneqaarsinnaasutut 2026-imi pisassiissutissat qaffanneqaarsinnaapput 60-init 66-nut, soorlu tusarniutigineqartumi taaneqartoq. Naalakkersuisulli ukiortaartinnagu nannuttassat pillugit aalajangiisussaapput.

Pisassiissutissanik aalajangersaasarneq Naalakkersuisunit aalajangiiffigineqartartoq paasisat kingulliit piujuartitsinissaq tunngavigalugu aalajangersaaffigineqartartoq.

2024-2026-imi nannuttassiissutit *Tunumi* nanoqatigiinnut agguataarneri

Tunu	2024	2025	2026
Ittoqqortoormiit	35	35	39
Tasiilaq	25	25	27
Katillugit	60	60	66

Nalunaarsugaq: Pisassiissutini ilaatinneqarpoq allatut ajornartumik nannunik toqutsisariaqarneq.

1a-mut):

Qulaani 1-mut akissutigineqartoq takoqquneqarpoq.

04-12-2025
Suliap normua: 2025 - 24636
Akt normu: 26005534

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

1ai-mut akissuteqaat:

1-mut akissuteqaat qulaani takuuk, Naalakkersuisut pisassiissutissanik allannguuteqarniarput januaarip aallaqqaataaniit 2026 atuutilertussanik. 2-mut) Naalakkersuisut pisassiissutit qaffannissaannik pilersaaruteqanngippata, tassunga suna tunngaviua nalunaarusiami piujuartitsinermut tutsinneqarnera?

2-mut akissuteqaat:

1-imut akissut takuuk.

3-mut) Naalakkersuisut qanoq ilillutik qulakkeerusuppaat, piniartut Tunumilu innuttaasut siunissami pisassiissutit tulluarsarneqarnerannut akuutinneqarnissaat?

3-mut akissuteqaat:

Ukiut tamaasa pisassiissutissanik aalajangiisoqannginnerani tusarniaasitsisoqartarpoq, matumani ilaatigut KNAPK/KNAPP'-iit kommunillu peqataatinneqartarput. Matumani aamma taamatut pisoqarpoq.

4-mut) Naalakkersuisut oqaluuserisamut soqutiginaatilinnik allanik paasissutissiisinaanertutik?

4-mut akissuteqaat:

Piujuartitsineq piniarnermi siunertarineqarnera pingaaruteqarpoq attatiinnarneqarnissaa. Soorlu 2006-imili piniagassanik pisassiisarnermi aqqissuussisarneq eqqunneqarmalli uumasorsiuut siunnersuisarnerat tunuliaqutaralugu aalajangiisoqartalermalli. Piujuartitsinissaq siunniunneqaannarnissaa attanneqassappat Naalakkersuisut naatsorsuutigivaat nannunik aallaaveqartunik tunisassianik avammut nioqquteqarneq ammaanpeqarsinnaanera.

Naalakkersuisuniit nalunaarutigissavara 2026-mi nannuttassat, ilaatigut Tunu ilanngullugu tusarniutigineqaqqammermata. Tusarniaasoqareernerata kingorna tusarniaanermi akissuteqaatit Tunumut tunngatillugu isummersorfigissavakka Naalakkersuisut isummertinnagit 2026-mi siunissamilu nannuttassat qanoq amerlatigissanersut.


Erseqqissaatigissavara Pinngortitaleriffiup Tunumi nungukkiartuutaanngitsumik nannuttassat ukiuni siuliini ingerlasimanerarmagit, aammalu nanoqatigiit amerliartorteqqinneqassappata inassutigimmagu ukiumut 66-t aamma 83-t akornanni Tunumi nannuttassiisoqarsinnaasooq, tamannalu maannamut atuuttunut sanilliullugu qaffariaataassaaq.

Pinngortitaleriffiup aamma malugeqquaa: "Eqikkaanitsinni inernerit ersersippaat, ukiumut nannut 83-it angullugit pisarineqarsinnaanissaat, tassa 2:1 angutivissat marluugaangata arnaviaq ataasiutittarlugu piujuartitsiniarnerussasut, ukiullu 15-it qaangiunneranni naammaginartumik ilisimatuussutsikkut alaatsinaattoqarnissaa ingerlanneqarsinnaassappat, kiisalu pisariaqassappat pisarineqarsinnaasut ikililneqarsinnaanngussappata pisarineqarsinnaasussat killiffiannut killitsillugu. Taamaanngippat ukiut 15-it qaangiunnerini alaatsinaattoqassanngippat, taava ukiumut nannut 66-it pisarineqarsinnaanngortinneqassappat, suaassusaat malillugu 2:1-imik agguataarineq atorineqassappat."

Pinngortitaleriffik ataatsimeeqatiginikuuara misissuinerup inerneris saqqummiunneqarneratigut. Taanna aallaavigalugu eqqarsaatersuuteqarfigaara pisassiissutissanik aalajangiiniarnermi, taamatutaaq matumani ilanngullugu pisassiissutininik qaffaanissamut atatillugu piumasaqaatinik ilanngussiniarama nannut nungukkiartuutaanngitsumik iluaqutiginissaat aammalu ilisimasat annertusineqarnissaat siunertaralugu.

Pingaaruteqarporlu oqaatigissallugu nannut nungukkiartuutaanngitsumik
piniarneqarnerat uppernarseqqinneqarpat tunisassiat nannuneersut avammut
tunisaanerat ammaanneqarsinnaammat. Tamanna annerusumik
isertitsissutaanissaannut periarfissiinissamut pingaaruteqartorujussuuvoq.

Inussiarnersumik inuulluaqqusillunga



Peter Borg

Aalisarnermut, Piniarnermut, Nunalerinermut, Imminut Pilersornermut, Avatangiisinullu
Naalakkersuisoq